

101
合4
118

嬰
鳴
館
遺
稿

卷之一
卷之二

嬰女鳴館遺稿

尾張平洲紀德民著



宋澤先侯命諸子授先子
遺稿十本鏤版以頒同志
先侯那藏之子嚶鳴館以
鈔先子子泉以乃奉鐫版
三百二十七枚以賜 德昌
之家 德昌 恭奉德意不肯

自私以告吾

公

公素此柔氣者司勛刷印


義行資使 德昌 行之子

世 德昌 不務之喜 謹識其

事使子孫長不謬云

己巳冬十月

男紀德昌謹識



嬰鳴館遺稿叙

平洲先生貌嚴而機清

愛博而仁至能使人被

將鬲而不自疑其德已
然乃其志之詩也雄
奇而溫茂其發乎文

也闕達而清雅可謂盛
矣迥者門人將輯遺稿
跼剗剗氏問叙治憲以憲

將辭不敏已而增感歎

曰嗚乎先生逝矣昔先生

於我教誨博約猶子

之慙不膏之辱激起興

學立政闡境之民猶知

鄉道之有者豈不皆先生

之力乎且先生之晚至敝

邑也余已在菟裘環次

從容曰噫吾老矣它年

某或將遺集者乎則請



公序之顧其距今十餘年

矣言猶在耳乃此後也

余雖不敏而義實所不
辭也且夫先生之德之盛
乃於所習不朽者寧必待

邇之文字哉况又一序之
巧拙於先生何有遂筆斯
寔以頌其首文化四年丁卯

之曰藤次憲撰



嚶鳴館遺稿序

昔者先師刻其詩集
也品評賞譽題首跋尾
以鼓吹其鄉音者瀧鶴臺
秋玉山諸子皆一時碩

學宿儒矣今梓其遺
文也米澤老侯

雁鳥山公自任其事
必出於至誠其丁寧
復猶孝子於父之遺

業實使人感泣拜恩不
已也蓋先師受

公禮待數十年其相得而相
信天下或鮮匹焉則亡論

公之媿美於魯穆魏文

鳴鳴齋遺稿 序
即於先師之德吾黨
之士竊亦比之思夏玄嗟
乎前集經一時碩宿之
手既如彼而此集拜大國
尊貴之賜又如此不知

先師地下之感喜如何也余
校讎言業畢仰感

老侯之至衷俯思先師之
遺美因自忘其謏劣謹叙
其事爾

文化戊辰仲春

門人東都泉長達謹撰



源敬之謹書



平洲先生嚶鳴館遺稿總目錄

卷之一

五言古詩 十九首

七言古詩 十四首

五言律 四十四首

五言排律 三首

七言律 五十一首

卷之二

七言律 五十六首

文化戊辰仲春

門人東都泉長達謹撰



源敬之謹書



平洲先生嚶鳴館遺稿總目錄

卷之一

五言古詩 十九首

七言古詩 十四首

五言律 四十四首

五言排律 三首

七言律 五十一首

卷之二

七言律 五十六首

五言絕句 七十三首

七言絕句 三十一首

卷之三

七言絕句 百六十九首

卷之四

序 十九首

卷之五

序 十六首

卷之六

記 八首 紀行 一首

卷之七

行狀 二首 傳 二首

說 二首 銘 三首

讀 一首 論 一首

題跋 十八首 雜文 一首

卷之八

碑誌 二十六首

卷之九

書牘 四十六首

卷之十

書牘 二十七首

附錄

墓誌

碑銘

行狀

平洲先生嚶鳴館遺稿總目錄終

平洲先生嚶鳴館遺稿卷之一

尾張 紀德民著

米澤 神保行簡

門人 東都 泉 長達 同校

久留 樺島公禮

五言古詩

春日歸自澀谷途中看花有感

老親在堂時見兒多怡顏口適無裕館倚門望兒還
來往青山路思之窮足力易篲今三年此心不再得

出入何所依遲遲空大息悒鬱爲誰言忡忡寸心逼
春風滿路花淚眼都無色

三日小信宴得巾字

命友及芳辰此全園介朱花撲檻繡翠鳥傍柳
清遊興自逸不與埃塵雜旨酒共思柔苦言
不知遲日暮春風吹酒盞

送中村子剛還浪華

清風送徂暑嘒嘒鳴暮蟬領君將歸意醉我草堂
孤葉滋雖薄兔首聊得鮮言笑傾舊陪惆悵理素絃

素絃調何苦涕淚下漣漣未盡新知樂已惜遠別遄
盈盈墨河水迢迢浪華天浮雲千餘里旋及隔山川
所恃在同心魚鴈時一傳行矣千秋業努力及盛年
送石井仲車暫還肥前

約與秋風至暫與春風歸此別三千里不過曠一時
今年倍家釀莫負醉鄉期

哭兒

培植階庭樹新花媚老眸春風一何暴一枝不待秋
淚眼存孩笑胸懷動悲愁壽夭我何惑亦有彼蜉蝣

須學東門達不襲西河憂斯築一坏土且使孤塊休
修短暫異命豈終隔明幽

題米澤菴戶士雲旣醉亭

權衡不虛施輕重應物直君子樂天分履道蕩坦坦
出入無它腸從容又奚憊衆暇掃小亭有朋尊亦滿
相酬抽胸襟欣欣彼我行松柏晚翠深風草秋露散
池魚方相戲林鳥閑伏卵嘯詠多情致天籟勝絃管
旣醉醒相忘寧問長與短保安在知足懷寵非我伴
送林忠輔聞王母病歸省西條

鴻書何所報王母病在堂慈孫千里意豈暇惜離觴
祇指西山日歸心海水長

中秋學宮賞月

三五中宵月皎皎照泮林老子興不淺置酒對青襟
言笑憐永夜芳蘭氣何深曄曄五彩毫髣髴千古心
各自懷拱壁誰更問籛金偏期笙鏞和唯在致鳳音

題畫

不堪暑熱苦呼硯含霜毫一揮秋水濶再拂碧山高
晒然滿觥盡清風吹鬢毛

題備中金子緝鄉詩卷

聖代文明日英才輩出時憐君千顆玉貫得何纍纍
珍藏如待用必與瑚璉期

余喪長男季女人見子魚贈酒肉繫詩以諭節

哀賦謝

女逐春花落男與夏雲滅妻非穆姜賢夫無門吳哲
血淚涑成紅短髮吹爲雪老朽徒悲感此心向誰說
賢友愛何深慙慙飲啜酒肉鮮且清拜酌益哽咽
如無達者解哀傷何得節

米澤提學神保子廉承君命來見及其北歸走
筆有此贈

來往四方士年年合與離道義交親暱相見肺腸披
况爾妙年日當我強壯時相携度羽嶺洋宮論清規
雖無南郡業偏依康成知良驥展逸足才華出等夷
一登興讓館儼作一邦師別來年幾邁鴻鴈音空悲
忽聞西轅急北望一何遲清風吹明月細雨蘇蘭芝
相迎下一榻不知三旬移取醉芳樽下言笑共怡怡
飲樂在同調豈假竹與絲驪駒忽一嘶矯首望天涯

衰老我已矣再面復何期努力先聖籍蘊奧竟可窺

觀東肥山中瀑布圖

少年好遊涉探勝屢忘疲登舟紫海濤停棹瓊浦湄
華言歡文友誦習纍歲時每聞東肥勝心飛熊水涯
無奈春風信訝我歸來遲高堂老親在北鴈喚人悲
倉遑上孤鞍馬首東方馳蘇嶽遙送我黛色來涑眉
行行北筑道回顧如有遺自慰盛壯日尚有再遊期
還鄉意未已壯心馳難羈海岱又千里負笈逐先師
關中四方會賢豪相追隨鳳鳴秋子羽龍游岡士騏

一語蘭芳合許我忘年知觴詠每相醉狀說境土奇
聞之興激昂矯首望西陲悠悠三十年舊遊今有誰
老去微官拙霜鬢髮為絲不啻勝具廢精神日惆衰
丹青何爽快肥山掌上披展縞巖壑轉凝眸水雲移
奔流水雪碎懸水玉簾垂臨圖如夢寐恍惚意偏疑
頓覺換塵骨仙飛自在之信哉當年語二老不我欺
贈別有馬彥章還肥府

相醉幾回酒未盡十年心今春又離別白首感何深
聊有兔斯首相勸拂素琴慙慙君聽取誰若舊知音

贈別辛島伯彝還肥府

酌杯惆悵久此意奚多言老大如斜景少壯如升曦
歸心一何遽別恨綿難諉回顧東方月鴻書勿厭煩

還山吟

富貴何爲物人生溷百年喟然投劍珮歸耕谷口田
世路無蹤跡物象自一天春山邀我媚翠樹籠新烟
架上千詩卷樽前一素絃孤燈照夜誦嬌鳥驚午眠
胷襟無所慮日使我真全

書懷

茫茫天地間斯道何時闢昭昭歷聖文布之在方策
君子行其義衆庶被其澤天運時隆衰人俗隨變革
一治又一亂醇醜異今昔唯是五品倫千古猶旦夕
雖或生憎暗靡世無明辟善哉達觀士處世如賓客
毀方汎容衆比義無適莫恭儉遠尤怨寡欲潛形跡
遭遇升廊廟功名垂竹帛否滯遯無悶澹乎居安宅
富貴膚寸雲心腸萬仞石行藏有我時窮通不可易
悲夫迷路子俚俚何所適不履正路坦狂走由險阨
天地常高厚俯仰長跼踖遑遑靡止戾逐鼠徒相嚇

諂諛謂好逖忠爭爲毒螫春暄使心寒夏畦日瘦瘠
百年終不醒醉眠就窳突嗟彼懵無知將安問菽麥
少小誦詩書老愚如有獲理義飽芻豢憲言懷圭璧
唯喜素而絢自忘玄之白達者豈敢期取舍聊可掬
撫琴揚雅詠中心怡且懌悠然酌壺觴春風吹吾幘

偶成

此生寄天地誰道身世難出遊常萬里一劍上孤鞍
東西又南北胸臆無辛酸企望崑崙雪長睨渤海瀾
少年場谷日豈識桑榆寒四運歛代謝歲月流如湍

老心今尋太春水一片殘

不見米澤提學片山楨卿十年今春承君命來
見四旬而辭去臨別賦贈

羽山千里路寤寐十年心樽前一相見情緒紛難尋
子規啼何急徒使別恨深行矣遺經文輔仁在盍簪
瑞禽多毛彩聯飛鳴泮林歸來采芹茹努力及光陰

七言古詩

西條侯彫龍閣

彫龍之閣彩雲隈畫棟璇題映日開賢侯好德稱多

士左右濟濟擁群才春林花樹秋天月金罍禮酌碧
玉杯抵掌論文凌秦漢揮毫獻賦排鄒枚談天如衍
吾豈敢陪醉時時飽德回

石鈇山歌奉壽西條侯四十初度

石鈇之山接穹窿西條所祭石仙宮山出雲雨潤邦
域禾役穰穰麥豐三農樂業民生足享祀以時神
罔恫神之罔恫民和睦拊舞頌禱爭奉公君侯修仁
年四十四十年來德日崇石鈇山兮仁者壽不騫不
崩永無窮

品川送江肅卿

送別春風滿海城醉擁驪駒動離情玉筍之雲琵琶
水行到芳山百花明好去前途故人在不用陽關第
四聲

寄題伊吉甫綠竹園

松水之隩綠竹多竹裏開園興如何風瀟瀟兮玉琤
琤聽微雨兮聞細波主人之家長物無牀頭釀得酒
百壺詩友相邀酒伴足鯨吸龍吟日歡呼綠竹之竿
長籊籊相携一釣松江鱸鱸魚之膾重沈醉人間何

處歲月徂

初春晴雪過飲南宮喬卿晴雪樓賦贈澤子毅

子毅時筮仕富山

空恨去年雪不登晴雪樓恰好今春雪
換向樓前流
幽人意興勃難禁藜杖緩步遠相尋
墨馱江上宿霧
散青牛橋畔曙光深水涯斜轉到柴
扃葛巾相迎眼
先青清樽有酒不須沽歡笑坐久醉
且醒更有親友
自鄉至新就清官聲名馨休笑老生
無成業短髮蕭
蕭抱舊經東西南北壯士志何言身
世似浮萍晴雪

之樓陽春曲我爲君歌君醉聽

延陵侯邸觀雪舟西湖圖引

大東畫手誰爲尤忌寸而來世代悠
獨有名品誇近
古備中奇人號雪舟舟也童齡十餘
歲出離塵垢入
緇流安知道機匠一發員葉遺文不
事修一朝切承
老師譴堂楹繫舟永晝留泣淚如雨
痕堂版忽使愁
襟畫思浮漫逐斑痕蓮足指怪看群
鼠跳指頭老師
驚歎不復問丹青日夜任優遊如雪
周文擅時名舟
極其致意未平東走西奔無住著名
山大澤苦經營

自恨真師不可遺飄上西溟萬里濤四明天童第一
座亦無與舟爭清高朱明當代多名手勁筆千場終
不撓承恩引見禮部院一揮滿壁氣何豪更圖海外
神山雪八朶蓮華現彩毫一時名流盡心醉惜歸東
望別緒勞自舟之逝三百年人間往往本真傳延陵
賢侯故府秘西湖墨真最稱仙手記自杭還北直會
同之館此圖全南北兩峰高樹色蘇隄六橋細波前
靈隱寺中鐘欲動錢塘門外柳如烟都舐禿毫巧淡
拂不假丹青一采妍說道先朝屬清覽慇懃報詔寶

藏堅張海紀生承侯歡偶陪清宴賜一看舟之天機
何高邁臨圖爽然神骨寒紀生少來好山水歎嗟拊
髀無緒端蜻蜓之脊東西極勝區名景我已觀唯憾
渤海限天地東吳絕勝寄蹤難今日侯家對此真頓
被高僧果宿因長房縮地何勞學一至侯筵卽羽人

遊 黃門紀伊公青山園賦上

青山東北赤坡西茂林修竹鬱高低祇道宏廓元侯
園豈知幽邃神仙栖相將晨自巽門入寂寂斜通樹
下蹊蒼苔不染塵埃氣佇立先教意想迷孤亭靜倚

圓山巔松檜陰清古砌前一株老櫻秀群木道是春
風花照筵法師西行遠探勝此間春景正難指茅廬
且結空林裏吟嘯憐花不擬旋藻思幽情懷往昔松
風颼落古井邊亭下樵徑行不窮徒倚遙指赤松中
萬株珊瑚擢雲外龍鱗高映晚霞紅童子潭水澹如
藍倒涵樹影籠烟嵐芝山縈帶櫻花水安知發源在
我潭公駕取涼三伏日岸上風幔氣凜烈一麾旅賁
試善游爭探不測蛟龍穴更驅連騎蹈青波霜蹄亂
飛滿淵雪仰見廟垣樹蓁蓁碧瓦寒高空翠勻回避

遙遙不敢進只恐聲影觸威神涉田攀躋森川館館
開原上望坦坦垂櫻一株知遺愛使人彷徨步自緩
聞道黃龍潛邨日每宴群賢醉絃管春光秋景何所
憐花是佳賓月是伴堂構瀟灑出塵氛敦素不假丹
刻文鑑戒長餘恭儉德海宇欣戴中興勳分境蒼池
何漭沈回首湖雲失俯仰橋邊空棄一虛舟知是校
人供遊賞中流鼓棹操兵聲坐使胸襟覺快爽小堂
憑高亦清素欲去徘徊留且往隔林村屋白寒烟幽
致自然入野趣樞外清川玉作砂潺湲緩傍曲蹊斜

借問春芳何所見道是灣灣燕子花望瀑之亭豁晴
明負阜瞻崖巧經營階除密布玄珠色都是那知水
石精怪松老柏蔭崖繁飛流百尺激雲根何人役鬼
縮芳嶺幾年驅石轉龍門請見邦祖親親貴夙承尊
爵鎮南藩千秋宗盟皈三邦眉壽當年老此園伏思
茅封開國業滿園草木威靈存步下平田指霜林晚
翠殘紅落日沈蕭條一路無人跡山風吹送暮鶴音
公子前日遊此野掣鷹終朝獲十禽一境一奇奇無
極欲寫賞心難自尋獨憐君恩假羽翼翩翩盡日翔

仙域已說觀魚知所樂不復隨鷗閒機息君不見分
封五土列諸侯朱門粉壁繞玉樓水榭林院到處富
誰家風月不豪遊萬金花樹千金酒動供皓齒與明
眸豈比君子斯燕賢以德鼓琴鼓瑟時歌鹿呦呦

爲玉子一壽乃翁六十

仙城有奇士號曰桃牛翁翁也年六十矍鑠何其雄
翁之強健有素習夙舞刀鎗萬慮空笑他經營神心
憊豈如踴躍筋骸充龍泉大阿知我者聲音采色如
盲聾千場試技燕都市一選爲師奧侯宮四方英豪

常雲集恩待遂見日益隆翁之養勇在寡欲翁之治
氣與技通官成名達不自處辭寵避榮老牆東亦能
談兵論勝敗一進一退妙無窮翁之有子更堪欣伯
也繼業兼博文超遷正領祕書府綜理五典與三墳
餘子聯翩文武備閭閻行行共出群伯也於我把臂
久遙報壽辰寄慇懃欣然援毫思所頌享福如翁稀
所聞但願日日飲美酒常對金華五彩雲

中秋草堂宴集

雲月秋高海岱間清遊卜得一宵閒滿堂人皆四方

秀青襟相映坐如環周詩楚騷才業足雕龍繡虎豈
難攀操几勸杯歡不極遮莫霜髻被醉顏千秋一夕
千觴酒坐使形神出塵寰君不見名教之中多樂地
長嘯何必戀青山

結客少年場行

亡韓張氏子能椎萬乘秦男兒肝膽是何知七尺身
千樽結客長安市豪華獨領萬樓春由來俠骨唯一
具早晚借與在誰人

三山歌奉祝我

公六十初度壽辰

城南城北多名園，豐山荔藿出塵喧。到來風氣何和暢，武陵今日入桃源。餘慶堂前通雲路，茯苓坡上闢仙門。森松茂竹分象景，翠巖竒石敷瑤琨。柳絲細織春池浪花彩，均含雨露恩。修仙谷幽消炎赫，養老泉冷弄潺湲。霜早林光披錦繡，月明鴈影度郊村。朱簾揭出蓮峯雪，銀盤盛來玉屑飧。一遊一豫隨四叙，都領欣意如負暄。君不見五土列侯千區第，碧瓦丹樓映繚垣。誰比三邦頒珍玉，祚胤百世展親尊。華甲慶

辰賜宴樂奉觴秩秩醉琴樽，巍巍德容山嶽似知是無疆。仁壽存酒酣瓊筵，歡不極但屬詞臣獻頌言。詞臣更進豐山頌，鬱彼豐山嘉樹蕃。能疏蒙密成修直，上拂雲霄下盤根。離離璨璨垂珠寶，歲收萬億播元元。元元不匱邦國足，恩澤下流不可諉。擊壤鼓腹何歌祝我君，萬年萬子孫。

題山水畫

山峩峩水洋洋，碩人何其寬。終年樂意書千卷，盡日閑暢一釣竿。清琴鼓響和吾詠，雲月揚光助我歡。况

復飄尊美祿足誰言富貴在衣冠

薩藩文學亦崎彥禮來別草酌賦贈

年年喜君來歲歲惜君別一離一合但如期何知此
盟綿不絕勸君滿酌請莫辭寬飲且聽歌一闋明年
更多釀春醪又掃花底引車轍

五言律

西條侯園中詠松

長松閬園種移植想仙林蓋歷嚴霜茂枝含瑞靄
後凋餘聖歎中實副賢心更愛清風動颺颺入玉琴

訪江伯思卧病

梁苑餘恩在樽中獨未貧塵機將病息著作適間新
高樹秋涼早幽窓月色親鳴琴時不廢自是茂陵人
同子章仲龍諸君宴松子由垂柳館懷木君恕
翠柳垂高館相逢思不窮詩因憶友就飲以論心雄
移榻窺林月披襟對水風爲憐投轄興尤恨少車公
歲暮訪友人限韻

雪餘幽意動不管歲華深緣我泛舟興驚君抱膝吟
棄捐身後事論盡醉中心一曲將流水知音在玉琴

觀廬山圖

滿壁匡廬色圖成勢自真青天懸瀑水彩霧鎖松筠
坐久生幽趣觀深絕世塵因思陶隱士故與遠公親

歲暮集市隱亭

酣暢飽搏下清吟對爾新此中丘壑氣何物市門塵
雪日雖潛景寒梅已洩春風流長可繼誰似草堂貧

雪中雪日

捲地寒颯起回頭萬象非唯看烟霧白不見雪華飛
邑里冰爲窟門尚瑤作扉自疑玉京路遊賞更忘歸

送石子文歸秋田

觴君千里別盡我一樽醪欲贖無微物裁詩代寶刀
心知重意氣交態輕綈袍好去雲中鶴何年復此翔

其二

羽山何杳渺冬月雪如烟驛路仙臺北鄉園鳥海前
馬鳴寒日落猿嘯暮雲懸但有還家客駸駸不住鞭

其三

鴻書何太急不獨倚閭頻琴瑟後同調文章憶輔仁
貂裘雖沒彩玉璞已含珍腹裏千餘卷堪持報故人

哭關溫卿

滿城春正至，塊氣獨安之。
舊卷窮精在，新題述志悲。
不融傷汝命，哀慟益吾衰。
埋玉今朝雪，空教泣淚澌。

寄懷巨卿

為客千餘里，思君二十年。
唯教雙鬢白，未使一經玄。
悵望江樓夕，悲吟酒榼前。
漫裁數行淚，寄與暮雲天。

長門木玄周介灌子儀來見

灌郎吾所愛，所贊亦佳人。
那恨相逢晚，還憐對酌新。
文盟千里合，醉語一尊親。
此館君應識，嚶鳴不厭頻。

聞勢南田君孝謝病歸隱有此寄

聞君高揖去，已領鼓山幽。
舊好書千卷，相知月滿樓。
烟霞供痼疾，泉石足清遊。
愧我塵途客，無由問一郵。

春晚同井子章松君修南宮喬卿飲管臯公子

池亭分得池字

邀客逢春盡，移樽傍綠池。
輕風新樹動，細雨紫藤垂。
醉語終無緒，幽情自有詩。
都投賢主意，燭至未知辭。

安達景文見訪席上賦贈兼呈竹山居士

景文竹山

門人

門有西來客及吾北地還親傳舊友語頓解新知顏
恨不盈樽酒以同半日閒君歸唯報道野老鬢空斑

哭南宮喬卿三首

爾汝髻齡好同襟四十年狂愚推我直力學讓君賢
授簡梁園夕分觴楚醴前昨遊唯泣淚此意有誰憐

其二

常憐同甲子半百髮借皤講學談今古論交重切磋
一從流水逝空使高山峩悵望書堂月春風落薜蘿

其三

春城花正發使我益新愁歲歲彩霞館年年晴雪樓
醉吟和且唱清興引相留回首望三徑奈何羊與求
林莊春月得雲字

夜坐林亭靜朧朧月出雲輕風花作雪小渚水成紋
幽情唯自足真趣與誰云數弄清琴罷曉來醒又醺
卧病

萬里春歸日一牀卧病時梅花何處落柳色夢中垂
永晝都無語短宵唯益疲此生付司命遮莫氣如絲

贈別小川君謝病還松山

飛霜千里路扶病返南州誰識忠良志難分社稷憂
慨然投劍佩莞爾掃書樓君見鳴門海風波未肯休
集河子靜新居

知君隱趣真不避市門塵醉後人無我交遊德有隣
浮雲忘富貴素志在清貧爲恨相知晚倍憐對酌新
內藤侯尚齒筵會百歲以下至八十者九人賦

此寄贈

陰陽隨政理舊俗自多賢同德連三壽一堂醉九仙
新花照黃髮古調入清絃爲頌寧邦化須教竹帛傳

伯就見惠佳集代柬答謝

清風吹朗月鴈影寂沈沈忽領新編贈遙觀舊友心
薰蕕本異臭玉石誰知音待我從君飲同聲一醉吟

自製山水圖贈野村君

盛年山水癖探勝不知休舟帆蒼海外杖履白雲幽
晚暮升官路烟霞作昔遊無端臨絹素畫罷思悠悠

丁未元旦

東溟捧旭日萬里煙霞新幸遇寬容政恬爲素食臣
增光唯白髮問業乏纖塵遮莫椒樽酒先供六十春

服忠甫携土佐文學箕迂叔見訪次其韻

暖風吹杖屨輕雨浥行塵不憾花光薄還教草色勻
締交歡遠客傾釀樂同人白首千相識誰如一醉親

春日同井子章過飲逍遙館醉中次子遠韻

招飲逍遙館春晴日色遲鳥聲穿茂竹花影颭清池
晤語人無我真情酒與詩昇平何至樂醉飽艷陽時

冬日同諸子訪瑞雲蘭若呈道上人

一路三餘里同携五六人到來何世界回顧是城闌
靜見寒林淨頓知色相真遠公能許飲應愛醉情淳

春日飲津子隣書堂醉後賦呈

來報春園好曳藜到草堂照筵花一樹歡客酒千觴
醉耳唯知熱情言不覺狂宦遊逢此興轉使賞心長

患瘧戲賦

誰言虐君子延我出塵寰踏盡寒山雪屢凌暑嶺巔
無隨千日醉猶得數旬閒大嚼引盃水招覓地上還

歲暮賀人新築分韻

目巧何容易唯看奧阼深催工爭短景移樹迫窮陰
將及新花發好來嬌鳥音主人真隱趣豈有世塵侵

題畫寄懷小草翁

陽和敷品物百卉競芬榮故葉隨風謝新葩帶露生
山中深小草水上老浮萍長嘯懷君日遙心畫裏行

書懷

白首懷恩澤邱園未敢歸寒溫隨楚醴苦脆任周薇
漫喜餘生靜何知既往非殷勤司庖吏休問朔羊肥

春日同子章子由諸子泛舟墨水分韻

放棹逢晴日迎朋喜彥賢春流波織綺晚渚柳含烟
以此高情合寧無秀句傳但言疑李郭遮莫類遊仙

東輿道中

輿路猶綿邈憑高幾眺臨水清青石瀨山茂赤松林
產業恬衣食歌謠濁土音行看風俗異轉使旅情深
太田左進翁八十余辱翁之知愛四十年今歲
從駕在東不得與其壽筵遣呈一律以寓祝慶
之意

九疇稱五福嘉此壽康寧歷老身逾健如翁我未聽
動居忘几杖誦讀就囊螢雖後八旬賀前期有百齡
畫鶴

老筆誰家子仙禽接坐馴素衣全掬雪丹頂欲鳴春
自有瑤京質何關地上塵勝他冠帶客卻似畫中人
冬日携諸子飲箕生郊居

曳杖乘官暇城東數里天村醪忘世慮野興使吾憐
暮色人烟白寒雲鴈影懸不須愁老步明月在郊田

秋日蕉隱公子携酒有見顧草堂賦此奉謝

何物佳公子會車犯路塵桂樽盛墨水箬葉橐銀鱗
竟坐唯詩酒當筵孰主賓秋蓬吾老矣努力大椿春

歲暮感懷分韻

停杯何所憶邈矣盛年時慷慨隨書劍飛揚駕驥騏
丹心未全素白髮奈如絲屈指睨寒日空教淑景遲

聞高橋子行多種樹賦贈乞一株松

聞說翠松林春來轉鬱森晚光遲月影風雨亂鶯吟
勁葉遶回涉新花不易尋請君疏茂密教我一蹊深
奉送村上侯歸藩

發軔逢徂暑熊羆不憚行世封尊社稷君業重民生
五馬嘶毛野千山入越城遙知老與稚引領候鑿聲
五言排律

奉送上杉支侯歸米澤

本宗班大國朝典寵支流自異東蒙主偏依曲阜侯
承恩辭玉殿卜吉駕驛驪虎節經毛野熊轡入羽州
棣華歌翕合行葦賦同遊慮盡封疆治言參社稷謀
桑蠶家織足辮麥井收伴老稚迎車處應聞擊壤謳
奉送延陵老侯遊伊香溫泉

單車隨小隊僕馬載衾裯不有烟霞疾何追鹿豕遊
驛從深谷去路入上毛幽暑正黃梅雨涼疑白露秋
山光迎謝屐魚樂悅莊眸望氣知仙液排雲問羽流

文毫親紀勝藻思自將優行矣淮南賦今年屬隱侯

至日學宮賜宴

育英修舊政勸學起新堂不啻明倫義無非納軌章
文筵鳴鳳鳥素絨見羔羊灰管逢吹暖寒梅欲吐芳
公厨分酒醴內使授圓方醉語情歡洽笙歌興激昂
青襟憐汝美白首笑吾狂唯喜進髦士長觀大國光

七言律

送石太一谷孚先自信中經張州還伊勢二首

信中三月暖猶微一路寒雲並馬歸行見晚花迎夏

發俱憐回鴈後春飛將軍古戍荒烟斷仙客遺牀片
石非送爾張城不堪憶更教離恨轉依依

其二

群嶺岩嶷上接天相携歸路出雲邊飛泉掬處春冰
碎危棧攀時落日懸身犯瘴嵐酬壯志望窮奇秀入
雄篇離情獨恨前期遠馬首東來復幾年

秋日送友人遊天橋

聞說天橋造化奇風光况復素秋時千峯夕靄開明
鏡十里寒松妬畫眉陰火欲然龍女窟英魂難起虎

臣碑老來未踐丹中勝臨別空思閨秀詞

暮春陪宴西條侯駐顏亭得環字

高亭命宴坐如環躑躅花然錦砌殷爲是琴書耽靜
好都教氣象出塵寰延賢鄴下開西苑招隱淮南卜
小山共喜芳尊錫難老醉遊長此駐紅顏

送藤子德遊平安

欲別持杯惜未傾離歌偏動故人情關開鳥道春雲
曙嶽秀霞標雪色明豪士猶存淮海氣茂才何讓洛
陽名羈心休苦催飛馬自及烟花滿帝城

贈瀧鶴臺承藩命暫歸長州接待韓使

萬里韓槎修聘辰誰如上國禮過賓逢迎遠戒舟車
美宴好偏供陸海珍揖讓儀容補髦士往來辭命付
詞臣知君此會多文藻綺帶應遭相識人

送井仲龍先藩駕經信中歸備前

歸鞍一隊先朱輪獨見行裝載筆新路入上毛山繚
繞天開岐阻石嶙峋羊腸積雪連初夏鳥道殘花後
晚春濟勝今年留賦去定知神助寵詞臣

和答河士訥

秋玉山門人玉
山有芙蓉記

海濶天長曉月浮火州西望路悠悠寧知尺素空中
落忽有明珠暗裏投千里締交情自見十年懷舊淚
空流遺編定讀芙蓉記濟勝何當尋壯遊

和答井子龍

衡門秋暮賦棲遲自感窮通此一時摘菊聊知元亮
趣草玄寧比子雲竒沈淪不惜違清政寒劣還甘引
衆疑翰墨論交若無厭迎君青眼醉金卮

題友人隱居

坐卧山亭日寂然忽聞嬌鳥起春眠桃花細濕閒庭

雨柳色潏含曲徑烟素瑟彈來唯適意新篇草罷豈
知玄偏言藜藿生涯足何物功名更可憐

九日集井仲龍書樓

靜倚書樓護水涯只忘隣里接豪華風情自領幽人
致世路何邀長者車縱取中山千日醉難違彭澤一
叢花爲君欲賦登高興休問悠然眺晚霞

中秋邀諸君飲草堂得尊字

松竹陰深過雨痕墨江風月霽茅軒佳賓不讓南樓
詠濁酒何羞北海尊徹夜情談無肺腑千秋氣韻合

簷墀休嗟歲歲霜爲髮老境還堪省世煩

熊府野伯修見寄懷押韻和答

錦字遙傳歸鴈春憶曾江館錢佳人交遊縱有同尊
興醉語誰如舊好親偏報滿頭爲雪白豈知雙眼著
花新愁吟此夜西窻月一夢飄揚紫海濱

古戰場

冷風蕭瑟暮雲長道是當年合戰場一將忠肝供報
國三軍義骨碎勤王陰燐夜動空城兩鬼嘯秋沈曠
野霜自慶清平安樂日唯因弔古作悲傷

老婦歎鏡

二八紅粧映晚霞
宛然移步上同車
羅幃爲繡雙樓
燕玉鏡新鑄
並蒂花豈識秋霜
侵翠髻空含老淚
戀容華照來猶是
當年物形影何教
好醜遐

歲暮陪宴來章閣

來章高閣倚城隈
歲暮寒光促舉杯
歡似魯僖歌泮
水興疑梁孝宴
平臺揮毫玉案
春雲動秉燭銀
尊夜月開好爲
賢明寵群俊喜
教縫掖此趨陪

和答米澤江松伯

檻外風光墨水流
幾回詩酒賦同遊
歸來意興唯雙
鯉別後行藏自
一卮龍嶽白雲
隨採藥虎門春
色懶登樓交情
空說勞愁夢悵
望天邊古羽州

東奧道中寄懷子章喬卿

醉中從別墨江樓
日指天邊古羽州
毛野渺茫蒼霧
合奧山迢遞白
雲浮懷人遠道
悲殘夢聽兩孤
亭賦旅愁恨不
相携同此意每
逢奇勝一踟躕

東山題壁

東山在米澤城東南

擁羽東山獨超群
登臨氣候逐看分
千尋遙辨嚴冬

雪咫尺還迷盛夏雲棧斷懸崖過急雨道開丹嶂赤
斜曛封疆但是稱懷德今日那須劍閣文

奉答米澤侯

會將殊禮引烏巾自領恩光幾歲春那用虛文推上
客都知舊政倚良臣澤中雨露蒼生茂臺畔烟霞白
鶴馴尚是泮漫技當試屠龍今日有何人

辛卯夏旱米澤侯祈雨六月初五大雨賦紀喜
仰見山川禋祀和暑天雲合雨滂沱千林一色蘇生
氣萬戶同情湧抃歌都道露華含瑞穗定知秋稅足

嘉禾餘恩更及吳牛喘頓使清涼療舊疴

暮秋浴丹泉携諸子東正寺見月

法界秋光坐自親滿庭楓葉錦爲茵雲邊鴈影空中
字徑上樵歌畫裏人日暮層樓霜氣動風清萬壑月
明新丹泉浴罷心神爽不怪攀躋脫世塵

送林周逸還小國

小國米澤下邑

百里山迴小國分地形遙想絕塵氛兼葭澤裏經青
瘴苑芋峯頭入白雲提榼不妨眠藥圃帶書隨意就
耕耘秋風好值香醪熟爲我携來更一醺

偶成

一身爲客羽山陞歲暮天涯感可知
自笑文章非得意羞將經術漫稱師
層樓月出含冰雪萬嶺寒高對酒
卮徒使壯心猶未已鬢毛無奈日加衰

答東渡上人押韻

上人高德久聽聞十歲幽居絕俗群
紫鴿聲嬌盤裏食金龍色動鉢中雲
虛名一世休推我妙理千秋屬君相
許幸供蓮社酒肩輿欲問貝多文

宇多老人青螺窟集分韻

緇宇何年倚寂寥只看苔徑絕塵囂
樽前話舊人皆醉戶外迎晴鳥自嬌
一代名聲隨翰墨千秋樂事附簞瓢
相携爲問烟霞疾頰使幽情厭折腰

秋日集秋田侯山館分韻

郭北山亭倚古城長松老檜與雲平
珠簾不隔林光淨畫席親聞野鳥聲
庭引石泉堪灌溉門開竹筵絕逢迎
歌來已足清高趣誰向滄浪問濯纓

奉送郡山侯歸藩

畿邦分鎮接平安特見光輝簇玉鞍
海驛秋風送征

旆關門曉霧想鳴鑿行歌調振三峯雪擊汰聲連七
里灘別後郡山城上月幽情應憶布衣歡

和答伊吉甫

自別張城二十年墨河松水渺風烟談經一代人初
心鍊藥千秋客欲仙大道紅塵驅馬路長江素月打
漁舩芳尊何歲迎青眼更望高山理五絃

奉賀郡山侯五十華誕

侯時
告老

盛筵先祝五旬秋欲獻歌章意不休冕服長存千乘
貴琴書更領一邱幽畿邦社稷傳雄鎮海岱烟霞附

菟裘自此養真能自足延年何羨玉京遊

送玉子一還仙臺

海表高開青葉城行看翠靄馬頭晴滄溟日出金華
湧層嶺雲飛白石清楚履三千誇士富梁車十二得
君明由來壯志從書劍重酌芳樽醉裏迎

乙未春余年四十八髮半白眼須鏡步須杖慨
然成詠

新正對酒獨長嗟犬馬空思歲月加經臘增寒髮邊
雪迎春轉着眼中花非關古鏡多浮鏽自使飛蓬不

可爬蹇劣任它衰老至醉顏猶足映明霞

乙未至日謝諸君見過

但憐忝律動微陽杖屨相迎滿草堂淡薄聊供吳水
菜芬香豈有蜀州薑無關太愛窺雲物好是同人及
景光依舊詠吟如不惜願教詩筆醉中揚

久不得子廉書爲有此寄

天外論交動似疎故人情興迥何如燕都片月寒蟾
影羽嶺長雲久鴈書應是壯心爭寸晷豈同多病領
三餘慙懃數字須無惜欲代尊前一笑舒

哭瀧鶴臺

忘年一自領同襟爾汝誰知交態深豈料白雲收鶴
影空教流水咽琴音相思近報封中字感慨遙論病
裏心回首昔遊都是夢草頭風露歛難尋

贈別熊子彥

此行何說悵離群歸馬春嘶與路雲大曲河邊波織
綺信夫山下石成紋家人產業桑麻富隱士風流翰
墨聞待我東遊過羽嶺就傾香釀共君醺

僧某贊詩來見押韻賦答

明詩會通卷之二
飄飄一葦海西來幾處蓮華鉢裏開唯道水雲無住
著那知詩偈作行媒窻中朗月聊相饗樹下清風不
用推法思慙君自愛人間誰解出離才

十五夜望月同諸子懷源兩卿石仲車遊松島
晴宵一醉倚江樓萬里思人與路秋雙劍光搖星際
氣片槎影度月中舟神山擁海金華湧仙島分潮玉
樹流此夜遙心禁不得夢魂天外逐同遊

肥源兩卿石仲車勢一行上人自松島羽倉兔
洲橫玄亭自天橋同時還東都暮秋十三夜會

飲兩卿氏席上賦贈

羽丹南北千重嶺肥奧東西萬里潮爭說問仙窮海
島共誇攀月上天橋飛行巧咒青龍杖卧起輕携濁
酒瓢豈識樽前醉眠者神魂亦已度雲霄

和答玉堂上人見寄懷押韻

一舉南天錫影高安禪何處卜蓬蒿驚看妙偈開金
葉歎息衰頽變髮毛化界煙光元寂寂人間歲月奈
滔滔長吟爲命盃中物醉裏空思舊日豪

丙申春米澤興讓館新成余應請往將與聞其

學政仲秋十八夜賜餞宴席上賦奉謝

詩酒通宵領寵榮金樽銀燭四筵明侯家自足風聲
美泮水新添月影清元有忠良圖社稷羞將薄劣育
才英此行爲帶恩光去無意徘徊賦別情

將之米澤留別從遊諸子

墨水橋頭望羽州白河關外路悠悠誰識壯心猶未
已自羞優待遂難酬旅髮從侵北地雪孤鞍負去西
風秋狂簡成章君輩事歸來相伴賦春遊

米澤客中夜飲含章館呈主人

天外相思感自深幾回風月入悲吟飛鴻十歲千行
字孤燭通宵兩地心醉倒何須嗟白髮興來將復理
清琴高山流水君聽取猶是當年曲裏音

余客米澤門人原仲豹自山形來訪歸別賦贈
別後西東各一天豈圖杯酒此相憐喜君竈古丹將
化羞我書成白未玄奔走空教雙鬢短窮通但有片
心全人生離合真無極爲約鴻魚慰暮年

羽中寄懷肥府野伯修客東都

天涯回首一相思別酒依依墨水湄借問燕都爲客

日何如羽嶺憶家時西溟片月愁中落北地寒鴻夢
後悲不啻交情千里合今年此恨與君知

恭奉賀 黃門紀伊公五十初度

鳳琴鸞舞祝千秋想像瑤京五彩樓貴以雄藩表南
海親分寶玉位元侯恩仁下接蒨蕙語儉素長圖社
稷謀獻壽先籤知命日仙齡何物可爲壽

奉謁

東叡大王恭賦上

一奉恩招望紺堂春闌苑樹鬱蒼蒼行窺紫氣占仙

路遂逆香風拜梵王法食下頒甘露味慈顏開照白
毫光文筵捧簡徒堪愧妙偈誰如貝葉章

恭奉壽我

公五十初度

瓊筵獻壽宴衣冠拊舞承恩扶絲蘭芳釀色均黃玉
壺瑞芝光映紫金盤延齡豈傍群仙學享福長依百
姓歡永夜笙鏞和樂甚坐疑鸞鳳下雲端

賜宅一崖賦示家塾諸子

新館傍花依竹篔鶩歌春遍一崖陽捲簾城闕晴烟

散映睫雲山翠黛長美祿足供千日醉殊恩分領四
時光燕臺但欲來龍驥休怪駑駘先駿良

和答松君山先生押韻

由來耆德貴家邦更檢圖書映綺窻誰比仙禽翔彩
霧自憐跛鼈達春江明經伏勝終無匹博物張華豈
有雙鴻魚欲報情空急何日隨君醉玉缸

余講業東都三十年屢却諸侯祿聘安永庚子

歲辱

本藩辟命承職侍讀明年辛丑春從

駕歸尾初朝

國城賦紀

恩榮

列松加翠映城闔屈指東遊幾度春豈料朝堂名望
位終延草莽素流臣修文爲是遺經重薦舉叨教寵
典新餘得寸心兼短髮不知何力答纖塵

平洲先生嚶鳴館遺稿卷之一終


平洲先生嚶鳴館遺稿卷之二

尾張 紀德民著

米澤 神保行簡

門人 東都 泉 長達 同校

久留 樺島公禮



山居

茅屋柴扃松竹幽清風朗月幾年秋
窻前曲徑聞鳴鹿檻外空潭見睡鷗
餘得後厨三石釀豈追南面百



城憂消閒但檢書千卷獨笑狂愚老未休

集飲五柳園賀主人源巨卿七十初度

處士清筵七秩辰友朋相會意愈親令名不願人文
繡隱操依然烏角巾采芝豈獨商山老種柳偏憐彭
澤倫齒德如君天福足永將樽酒醉芳春

冬至前三日過飲千村伯就自適園

寒梅花早兩三枝細細茶煙傍竹籬依舊生芻人似
玉奈何老鬢我如絲芳樽自覺陽將動仄管無關氣
未吹乘暇偶來隨靜者塵途休笑拂衣遲

贈明倫堂諸子

辛遇明倫建學年笙鏞崇化寵才賢曩柔日講三王
籍興廢堪窺百史編美業由來稱苦力冷名自古不
虛傳何關俗眼多青白但以丹心報所天

信山道中作

江城顧望夏雲長身襲寒衣入信陽行見澗流猶滌
雪卻憐桃李始飛香曾聞老鶴歸華表何處仙翁睡
石牀此去張州知不遠盤回已度十三岡

中秋學宮賜宴得豪字

秋光如水月輪高藻思爭揮五彩毫一片漢雲流鴈影千章城樹起松濤都憐製句皆成玉休笑持觴獨問螯知否老夫乘興甚年年刮目對賢豪

酬淡路田仲求

遠道懷人倚小樓正看孤鴈下江頭林風浙瀝寒砧亂野水蒼茫落日愁萬里神交情不極千行錦字思何休遙心一夜西窻月夢度天南淡路洲

福島尹山村君將歸枉駕草堂賦奉送

頻會張城與信州豈圖東海賦同遊環岡密竹風初

霽度闕輕雲雨正收共道官情閒一日偏憐醉語爽千秋北門鎖鑰家聲重無奈曾山叱紫駟

初秋土佐箕迂叔薩摩赤彥禮二文學處士服佑甫見訪一崖草堂賦謝

路遶城西僻地形唯憐杖屨到柴扃師臣南國連雙壁處士東關引一星素瑟清琴歌且和枯魚濁酒醉還醒期君此興重相憶莫負晴宵月滿亭

聞浪華中井子慶開六十初度之宴遙寄賀

綠鬢曾邀墨水前聞君早已杖鄉年關西譽望歸揚

震周代遺文屬鄭玄孝愛爭呈懷裏壁優遊自許酒
中仙故人矯首飛揚甚抃舞無由醉一筵

押米澤老侯瑤韻奉壽大老侯七十初度

滿階花散錦爲筵氣暖春城旭日懸當檻翠松凝瑞
靄拂樽新柳帶晴烟歌引鸞音金管合坐翻鳳翼彩
爛連千秋自有仙君在那問瑤臺玉室邊

感懷八首

膝前承命下高堂別淚慙慙戒異鄉一劍行潛星畔
氣千金欲挾字中霜天涯客跡窮夷險海內交遊見

炎涼割愛如非由罔極爭將弱羽試翱翔

其二

二八童齡洛水陽清遊幾處醉詩場趨陪竝賦王孫
草顧眄殊頒帝子香菟道烟霞弔陳跡嵐山雪月度
高岡歸來爲刮當時日暗覺貂裘敝益光

其三

少來心事與誰云意氣當年獨不羣常負劍書隨壯
志漫將身世付遺文孤舟夜度玄洋月斷鴈春迷紫
塞雲萬里長風疇昔夢頭吹霜髮亂紛紜

其四

館就嚶鳴求友年，締交都是四方賢。
期春翠柳新花下，卜夜清風朗月前。
歡飲或誇秦晉匹，唱酬爭擬漢唐篇。
孤琴欲理今誰在，無奈我洋獨自憐。

其五

少壯遊蹤逐轉蓬，去留南北又西東。
郊迎二入賢侯國，學政偏論造士功。
松島泛槎名景盡，羽山驅馬勝區空。
羞白首無微業，曉夜悠悠思不窮。

其六

自載詩書入武城，但憐經藝屬文明。
狂愚漫却千鍾養，菽水聊供數口生。
不料新恩加朽腐，還將老淚拜墳塋。
衰年顧景如流水，何日毫毛答寵榮。

其七

交情幾歲重蘭金，老去曾遊不可尋。
丘墓蕭條風露散，山河綿邈暮雲深。
逢迎縱有新知樂，醉語誰看舊好心。
屈指無端懷逝者，西窗落月影沈沈。

其八

天涯負笈盡青襟，濁酒枯魚歲月深。
非是叔孫論制

日聊酬孟叟育英心
階前綠萼搖芳氣
樹裡新鶯欲好音
誰識醉翁常自醉
高山流水有孤琴

送赤崎文學從駕歸薩摩

萬里何言客路難
熊轡陪去逐鳴鑿
覺斑迺望仙山
雪鷁影輕凌紫海
瀾隨意子規催別恨
好將魚鴈問加餐
春風歲歲前期在
芝水烟霞盟不寒

小池成

小池盈丈易成功
井甃穿來伏一筒
倒影明分水中竹
微涼暗動樹間風
客至泛杯情自暢
醉餘探句耳

如聾移牀更對嫦娥飲
夜色淒然炎熱空

涉園即事

衰年養病謝塵煩
曳杖逍遙屋後園
孤石當牀堪憇息
小池窺月弄潺湲
綠竹青松皆雨露
濁醪素瑟盡君恩
餘生適是多欣樂
世上悠悠奚復言

哭女

名善保年十七夭

筆硯蕭然無苦辛
慧心如慕太姑倫
遊戲畫思妝端麗
偶携詩情在老親
新詠半成餘彩墨
舊絃猶理帶浮塵
自知衰眼愈多淚
不見飛花滿目春

酬仙臺志村文學

與駟龍種久相聞逸氣今看真出群才似陳王傾八
斗博驚楚史誦三墳鄉山夙揖金華色客跡曾懸紫
海雲遭遇及時君努力千秋美業屬能文

贈別神保提學子廉還米澤

喜君千里下孤鞍笑泣相迎暫解顏舊業先憐經藝
達雄心那說鬢毛斑當齊管仲人將在化蜀文翁自
可攀但是居官居不易莫將恩寵願清閒

冬日携樺世儀飲蕉隱公子書樓得來字

高樓共倚墨河隈盡日尊前意濶哉簾外浪從瀛海
湧腹中書檢漢秦來冰心但是餘衰老壯志終當屬
妙才醉睨斜暉上歸馬芙蓉萬仞雪皚皚

偶成

步虛何羨玉京天上優游亦是仙官拙自爲朝隱
士性愚寧比陸沈賢千秋老淚垂青史一曲高歌寫
素絃好有家人冬釀熟春風欲醉百花前

米澤神保子廉圖羽山雪景題詩以寄贈東都

諸友余觀此有感

十月寒光羽嶺東臨圖憶昔在其中冬來邑里皆冰窟
窟氣靈闈闔盡玉宮呵硯爾時詩幾首擁樽今日思
無窮憐君獨有陽春調寄向南人操郢風

中津倉文學善卿暫歸鄉觴大孺人七十壽辰

賦此贈別

欲上高堂觴古稀故園西望客心飛春風一路看花
發夜月三更聽鴈歸行色何須旌蓋美理裝唯製絲
爛衣歡歌爲想樽前舞携手河梁不惜揮

冬日世儀伯盈來訪分韻

天暮寒林雪欲飛爲添爐火與依依談經或見投時
好論道寧知與古違獨喜千秋神契在誰如一世淡
交希相逢相醉唯忘老懶抗衰顏校是非

奉輓米澤世子

滿堂賓酒憶文筵恍惚音容玉几前猶見近題餘彩
墨豈堪遺響斷朱絃仙笙曉怨銀臺月鶴駕春迷版
谷天薤露歌悲齊執紼誰知老淚一漣漣

春日寄懷樽世儀

舉觴西望不堪思筑海音書何事遲春雨江城花落

日暮雲天外鴈歸時豈言臭味無同好唯是心知更有誰潦倒年年吾老矣慙懃努力再遊期

將到米澤府老侯整鹵簿出迎南郊六里餘其儀甚謹德民不堪悚懼之至賦此奉謝

駸駸侯騎報郊迎早已山風入羽旌驚見遠驅千乘駕豈圖親引匹夫行恩仁爲是崇風化禮教應因警信誠空愧涓埃無答此不堪老淚濕襟纓

至米澤奉謁餐霞老侯謹賦上

關河東去路悠悠霜露千山草木秋南鴈負人鳴羽

嶺北行爭日望菟裘從容進膝無端緒禮酌承恩醉獻酬犬馬餘齡天不假何由得復仰風猷

德民不謁米澤老侯卜有餘年老侯辱懷民不已寬政丙辰侯乃厚請我

公招民于其國我

公喜侯之孝德乃賜民數旬之暇使應其招我女先嫁泉伯盈時病在牀然民固感兩侯賓師之遇三十有餘年常亦思一謁老侯故不敢欲以私情遲留於是八月下五北發抵其府未二旬

女計至不勝悲痛賦此以洩哀

衰齡七十促行裝欲答賢侯禮待昌思爾羸容扶病
懶爲吾言笑進離觴斷鴻昨夜驚愁夢紅淚今朝落
素裳但是幽明暫相隔餘生豈亦久悲傷

朱澤客中中條大夫邀飲東郊別業竹大夫携
諸賢來會賦呈

一徑斜通松水幽離披錦繡萬林秋若無退食占清
暇豈有能文賦醉遊恰好歸雲收嶺雨還憐落照上
簾鉤老生此興知難再不用持觴問旅愁

吉祥閣雨中春望

上方疑是俯恒沙不恨煙雲隔碧紗鱗瓦影潛塵裊
兩玉毫光現梵林花適教靜者憑香閣休御空王轉
法車幽賞未窮遲日暮送人鐘響滿闔闔

送菊池博甫經信中之南紀

信中西望望嶺岼春月無花草木寒何處曉雲迷棧
道幾回風雪拂征鞍澗亭欹枕泉流激茅店呼杯野
饌酸但去江山助詩思行行自使旅愁寬

送神宮輔同兒長溫西遊中州

征衣製得及春陽豈可徘徊惜別觴千里並懸雙劍
氣孤鞍只帶一囊裝神巖日出窺精爽禁苑花飛送
異香但是皇京遊賞好莫慵名下問才良

送兒長溫西遊中州

小壯寧知客路慵臨歧意氣銳如鋒春寒鳥道迷
雪日暮雲山聽遠鐘爲是名門問耆老非唯故國
遺蹤音書欲寄多過鴈要爾平安字字濃

樺世儀書至云其承藩命新建明善堂喜却寄
奇渺懷人筑海邊鴻書遙下暮雲天誰論制度修新

館共鼓風聲入雅絃垆野欲歌千駟美泮宮先進一
邦賢西州應有文翁化徹夜欣欣喜不眠

樺世儀官舍集邂逅薩藩山本教授席上賦呈
海岱烟霞花月辰幾年南國望佳人芳蘭氣動迎腰
珮玉樹光來映席珍千歲一歡忘老拙四筵三友爲
君親論心自此無相厭好是天涯亦比隣

今茲丁巳已余年七十在都群賢相將來會舉勸
草堂賦此謝之

恰好園林積雨晴森松茂竹鳥嚶嚶偏憐杖屨盈門

卷不奈杯盤宴菜羹坐自芝蘭合芳氣詩皆金石聽
心聲漫然七十吾能老羞被群賢稱壽亭

題邊玄對梅圖

滿縞橫斜一樹梅巧將毫末此移栽唯憐玉盞含澗
露不見瑤葩帶點埃風霽晴香何處所月明疎影在
樓臺芳塊縹緲牽人去曉夢依依尚未回

同諸子題猛虎圖得雄字

嘯山鳴百獸空眈眈張爪猛威窮飛雲影黑丹崖
月老樹寒搖暗谷風難得下莊腰下刃爲思周處握

中弓畫虎由來多巧妙未如今日此圖雄

賀紀藩衡岳菊池氏五十初度

曾見妙年居領袖竟看初老在師儒盈門子姓蘭千
葉映座賓僚酒百壺鼓瑟音皆依壽唱流盃興自足
歡娛語君從此明光浦歲貢無非照乘珠

和答南宮喬卿

天涯尺素專初真爲喜交情在故人遊說猶傳長鈇
歎談經未改一瓢貧秋清墨水空悲逝歲暮桑灘識
愴神雄志及時君努力有才何憾二毛新

送木君恕之勝山 並序

君恕辭我張千里官房勝山而在東都之鄉者十有餘年矣蓋爲其先侯之知己也自今侯嗣立君恕益忠貞蓋亦爲今侯之知己也今茲侯之出而君恕秩以從焉則其得其君也謂之何但勝山距此幾數百里而東則張人之情必不得如數百里而西者古人所謂却望并州是故鄉者今其於此行而將云爾余故贈詩以壯其行

把酒花前暫送君此行何用惜離群
烝徒曉發郊關月五馬春嘶海驛雲
都說舊邦隆哲士更看新政寵雄文
登樓縱是悲非土好使才名一代聞

首春柬彩霞主人

江頭曙色入初年相憶城中尺五天
龍閣解冰纔水響虎門晴樹尚寒烟
陪筵上客恩應洽卧雪幽人興自偏
爲報春風吹暖日從君一醉彩霞前

夏晚送邊子觀扶病還秋田

羽嶺長雲扶病歸却憐徂暑雨霏霏
孤鞍正適衣裝

約數日何傷筆硯非唯是盛年多後計豈將微念惜
班違逍遙自此投竿去暫使清風滿釣磯

屢得中井子慶書詩塵忙簪報賦此寄謝

把酒相思浪速天墨江秋色水樓前井梧露滴寒殘
日洲蕊風生白暮烟遙識青燈耽舊業豈無彩筆照
新篇神交只恃容疎慢莫怪鴻書久不傳

甲辰閏正犬邱君請使余德民教諭其邑民講

餘有此作

岸峇山迴擁犬邱層城千尺俯長流雲邊嶺雪天西

北樹裏村煙地僻幽倚檻低臨迷過鴈銜盃未盡失
行舟還憐此興因官至靜使風光映醉眸

至日醉後示諸賢少

昨雨林光望欲春弟兄情興醉愈真千秋樂事唯由
已一世浮名不逐人忝律年年吹氣後梅花歲歲放
香新揮杯爲屬諸賢少賀爾高堂有老親

宋澤大夫竹子光視事東都邸四年今冬拜國

老還藩賦此贈別

天晴海日照層巒衣錦憐君據玉鞍一路長雲毛野

潤三冬積雪羽山寒元知世職任憂喜更望能文策
治安臨別欲言愚且老唯聞在上不如寬

竹山居士首春之報至云講堂再造功畢不勝
喜再寄呈

昨夜春鴻取報還十年情緒數行間薰葭隱久難波
浦舟楫人空墨水灣嗟我舊遊疑醉夢喜君新築解
愁顏親朋海內多彫落自愛天涯老竹山

病中感懷

青年志氣一何雄足跡天涯意未窮千仞雲雲驅匹

馬萬層波浪御長風梁臺客位論靈沼魯國文筵頌
泮宮卧癩誰憐衰老久唯餘短髮日鬅髮

五言絕句

恩君恩分韻

同輩去無意理新妝生憎紅錦袖猶帶御爐香
水山怨分韻

一片風光好梭鶯織柳絲春衣已裁得欲復寄天涯

其二

飛花風裏色吹轉落誰家懶見陌上柳啞啞雙棲鴉

聞諸子遊滌東郊

春光何處好爭說布金田五百不情漢唯能跌坐堅

對酒

長歌琴一弄滿引酒三杯只識生涯是何知歲月催

春日飲蕭然齋

內海生
邱舍

何憐晴日好來問郭南春蕭然一室酒不是朱門人

玉筍吟

余有腳疾携內以浴玉筍溫泉遊賞之間得

詩若干首其一

夫婦同携去遙看玉筍秋休疑隱居服不是灞陵遊

其二

山農稅本輕戶戶安生計何有狗兒鳴柴門夜不閉

其三

爺年四五十孃年三四旬提携小女子問訊東都人

其四

白雲生四壁萬象坐來無唯疑輕舉去縹緲在仙衢

其五

小蹊斜一轉寂寞梵王宮昨夜鐘聲近知從此處通

其六

孤燈山館靜曉夜猶吟哦
楓杳前溪雨漸聞水響多

其七

嶺樹懸初月薜蘿白露清
隔溪猿嘯落援筆難爲情

其八

夕陽連雨足暗與古人符
絕叫王摩詰陰晴衆壑殊

其九

蕭蕭山館雨愁夢幾回驚
曉聽鳥語喜先知山光晴

其十

踏盡萬重雲驚看千頃水
已覺出人間仙居何處是

其十一

天路凌雲霧遙登玉笥宮
夕陽嵐氣淨嶽影倒湖中

其十二

雲樹連山驛看迷函谷關
揚鞭細指點此去張州還

其十三

半溪秋日午顧望白雲陞
爲別山中勝彷徨步自遲

其十四

寺古餘禪窟孤雲起石牀
徘徊人不見唯聞木犀香

其十五

誰道白雲色不堪持去貽欲知林壑趣見我遊山詩

夢歸

鄉國三千里夢魂一夜還分明來往路記得萬重山

聞鴈

霜氣孤蓬冷潮頭月上初寒鴻一聲落莫是繫家書

寄題白雲窟

大隱無朝市何須巖穴深飄然出還入會得白雲心

植松

孤松軒外色自似閩風枝何須偃蓋茂只愛凌雲姿

春日偶成

春風吹翠柳鄉思亂無端青青去年朶攀來仔細看

其二

春鴈回飛盡鄉音杳不聞客淚長江兩歸心萬里雲

送森子陽歸北越

長雲遙越海一路幾重山相携橋上步曉月白如彎

看調馬

錦袍羽林郎正轡臨長埒春風滿樹花吹爲四蹄雪

經遊羽中至山形訪原仲豹臨別留贈

非爲千里客何語十年心還嗟今日會忽使別愁深

送淺貴卿歸佐倉

咫尺櫻城路扁舟墨水隈若思江月好還上暮潮來

送長門木玄周

昨日新相識今朝忽別離休傷歡晤短交道在心知

恭應

東叡大王教賦園內八勝

神祠白雲

精爽巖如在宮垣擬二荒山櫻花外去縹緲白雲長

燕寢丹楓

燕坐清禪外幽吟至夕陽丹楓霜後色疑見火珠光

萬德朝梵

清晨開紺殿碧瓦鎖香烟松濤與仙梵颯沓上方天

六宜夜雪

竹樓幽賞具夜雪興殊新誰候衣珠色來爲授簡賓

凝香春曉

新花滿苑色曉露溥凝香步自瑤階公不堪意興長

稽古夏夕

閣坐思真諦輕雷散暑雲晚氣清凉甚風翻貝葉文
尚友邀月

蕭然山館裏尚友古人書夜半窺林月松風影響疎
亦樂殘春

一味唯禪寂誰知此意真品茶幽興動聊對落花春

白子祠

在米澤城北小野春風所建云

負郭松杉古蕭條一廟空上梁何代字唯剩野春風
芍藥園

三竿高日影芍藥帶輕風徹夜村亭雨添來一段紅

館子順宅春曉即事

早起林庭靜春鶯霧裏鳴踏石攀花樹初知昨雨晴
芙蓉峰畫贊

曉雲攀不盡赤日拂扶桑未辨麿斑色先開瀛海光
贈雛僧德龍龍有詩名

明珠難可掩琇彩易驚人好收衣裏色莫觸世途塵
題畫

衆峯收雨色孤閣寂雲烟幽人何處在釣艇荻蘆邊

示諸賢

青襟稱學士誦習聖人言及時無定志何以答殊恩

鯉魚圖

應因在藻久潑潑一何肥似向龍門去金鱗映日飛

豈山園二十五境

其十三首在七言絕句部

小廬山

林蹊試一攀境邃小廬山寒鐘兼暮雨轉使道心閒

彩雲塘

回塘西又東滿目紫薇紅步上天女島身在彩雲中

臨遙亭

一望林堂上迢迢目不窮分明辨物象都在落暉中

拾翠臺

日夕高臺上晴煙滿野坳千山唯一黛咫尺染眉青

卧龍蹊

老松千載外偃蓋映蒼池蹊上徘徊去龍鱗起水湄

錦明山

楓樹含斜照風吹亂葉迷當從何處去面面錦爲蹊

吟涼橋

吟步平橋上鳥聲響綠篁誰知盛夏日早已動秋涼

玉圓峯

孤峯削翠玉登眺出塵埃山光兼樹影都向鏡中開

竹猗門

柴門臨碧水修竹萬竿清瑟瑟微風動行聞曼玉聲

古道岐

鎌倉與河越壞道岐空存桑海有今古千秋入我園

濯纓川

清川塵境外沙上白鷗馴相携臨水際恐似濯纓人

鳴鳳溪

溪幽松石古飛瀑滌人心微風吹水響似聽鳳笙音

磨富嶽雪製圖遙賀筑陽南陸翁七十

芙蓉千古雪嚙之得延年寄語南陸子長爲地上僊

富嶽圖

海東神嶽雪瑞氣集天壇玉削蓮華色千秋萬古寒

謁暇遊平洲

村翁扶杖集相對意何親共語齟齬日悠悠鬪草春

其二

方方皆熟路東眺又西攀人生今白髮草木舊青山

其三

朝登大士閣夕上如來峯扁舟盡日酒無物觸心胸

送佩蘭老人還山

高卧張城市領閒七十秋還山更何意應厭識韓休

折桂花贈山大夫蘇門君

叢桂幽香動幽情日轉幽爲君攀折得持贈小山秋

或贈南都靈酒山子言泉伯盈適至同飲戲賦

道是南都釀何分北雪名三杯春欲動不問滿觴靈

分賦薩侯園中諸勝得清池新荷

名園收海嶽萬象入樓臺醉就清池水新荷捧玉杯

爲久保山伯斐題松圖壽乃翁六十

勁幹龍鱗色移之自閩風唯此千秋翠可供不老翁

林中

松風繞茅屋高卧遂沈淪隔樹聞相語也他世上人

贈金子龍

名淵米澤
小松里人

力作安慈母歡心足菜羹半百書三筐司農甚姓名

題李白圖

先生無答意何問碧山潑丹青巧一拂會得當年心
七言絕句

西條侯邨觀中使致獵禽

君王昨日獵西原錦鏃高從玉臂翻那識雙飛天上
鴈忽追中使落朱門

聞喬卿舉男郤寄

萬里懷人海日寒鴻邊尺素落雲端殷勤報道明珠
色何歲攀君掌上看

淺大夫席上作

春早園梅冰玉寒政間詩酒一相歡幽情本是稱朝
隱不厭樽前引鶻冠

泉子容逝後相馬諸子寄示其挽詩泫然賦此
郤寄

舊遊傷逝情偏苦蒿里歌成不忍覩相馬城頭一片
雲墨馱河上飛爲雨

秋日墨水泛舟

清風颯爾泛舟前墨水長流接海天自似飄飄輕舉
去漢河何羨上槎仙

園花盛開東西條邸諸子

握手樽前動易違
百花春暮映柴扉
如將官服能來飲
尚及林風吹雪飛

送米澤竹大夫之京

壯志由來叱馭過
信山何處路嵯峨
我知君馬首東歸
日禮酌當聞卷耳歌

送江松伯還米澤

秋晚霜威草木寒
武昌城外送歸鞍
旅顏何用傷熊
悴自有囊中不老丹

秋玉山見序拙集賦謝

十載論心依舊盟
狂疎領得臭蘭情
裁來獨負三都
賦序罷長分一代名

弔友人喪女

芝蘭花落暗香微
知爾鍾情淚濕衣
夙慧空思謝娘
子階庭柳絮惹愁飛

春日課門生栽花礮士順見過

此日春風滿草廬
種花移樹引清渠
山人唯是耽幽
事休怪門庭禮法疎

聞伍伯有歸隱城西豐澤賦寄

近聞歸去已成篇
種秫耕紵彭澤田
秋來漉酒報醉歌
相和撫無絃

哭秋玉山三首

夢裏音容黯不舒
西窗落月意躊躇
春雲萬里蘇山色
號哭無由駕素車

其二

草堂曾別一樽中
握手偏期馬首東
豈料今年花樹下
回頭落日泣春風

其三

一世文名老益賢
幾年交道倚忘年
高山流水從君逝
斷絕陽春白雪絃

送藤子彊遊函嶺

回首西天函嶺孤
憶吾去歲在雲衢
山中到處君須見
題壁墨痕猶有無

客中除夜

除夕蕭條坐夜分
一身天外奈離群
鷄鳴忽送春雲色
復使鶯歌客裏聞

子靜種甘蔗於張州戲賦贈

洞房遙想鳳笙音時藥丹邱日月深豈比人間塵垢

裡坐教雙鬢二毛侵

丹邱地名在張州

中秋望月懷藤子彊客玉笥山中

把酒高樓一醉歌遙心此夜爲君多江城月色秋如水玉笥山光定若何

聞荻野氏喪內遙寄弔

聞道秋闈蕙草摧殘芳空入悼凶才香魂自與朝雲太幾度簾前暮雨哀

兩中陪宴上杉支侯觀海樓邑信適至侯大叔

南臺公子見惠鴈卒賦奉寄謝

觀海樓頭雨色深憶君天外杳難尋何圖一鴈長雲落細報千山萬里心

送人歸隱日光山

長揖紅塵鄉路回祇看鬢髮若雲開延年定識留顏色人在神仙十二臺

曉下刀襴川

落月沈沈送客船回頭刀襴水如烟晨鐘一動長空

外早已東方海日懸

送人歸隱嵐山得連字

嵐山高倚洛西天
霜染楓林錦繡連
君望舊溪歸意切
秋光何處不堪憐

春別曲得心字

春水離情孰淺深
徘徊江上恨難禁
風花亂點無南北
恐似郵君別後心

春宮詞

玉樹花開內殿春
趙家輕妙舞衣新
三千富貴連房

似誰比君恩在一身

宴別野伯修還熊府

把酒江樓此送君
楊花疎雨共紛紛
憑欄悵望知何意
萬里歸心紫海雲

昨別世美今朝兩甚賦寄三首

曉來開戶怯春寒
匹馬思君客路難
昨日南樓醉中別
早爲今兩驛亭看

其二

千山西望路迢迢
二月春寒雪未消
縱是芙蓉河水

急尚知舟楫穩於橋

其三


一路風光春色閑張城百尺彩雲間片舟南渡時回首海水東頭我故山

宿白河驛點檢延陵諸子詩因賦寄

白河關外憶鄉時驛舍瀟瀟夜雨悲撫枕燈前不成夢無端點檢故人詩

平洲先生嚶鳴館遺稿卷之二終

101
4
118



101
合4
118

099272-001-1

101-118

嚶鳴館遺稿

細井 平洲/著

M33

DBV-1693

